

金蓮正宗記卷之四

數七

林間羽客樗櫟道人編

長真譚真人

先生諱玉字伯玉譚其姓也世居寧海為人慷慨識度不凡孝義傳家甚為鄉里所重適大定丁亥冬風眩癱瘓纏綿不解鍼藥甚多皆莫能効聞重陽先生來自終南方在宜甫馬君宅中間居扶杖往謁將求治療之法先生宿戶不納公乃堅守終夕剥啄不已門忽自開重陽大悅以為仙緣所契乃召之同食而寢談話親密過於故交比曉下床舊疾頓愈四體輕健奔走如飛方知重陽之為異人也輒拋棄產金如視糞壤乞侍左右終身不遂乃賜之法名曰處端字曰通正號曰長真子焉贈詩云超出陰陽造化關一心向道莫回還清虛本是真仙路只要安居養內顏先生既受師訣滅人我絕思慮戴青巾穿紙布大定戊子歲辭親戚別鄉黨從祖師左右南遊汴梁朝參夕請多得玄旨比及三年祖師乘雲而朝元矣乃以仙骨西歸劉蔣葬之以

禮厥後遁跡於伊洛之間調神鍊氣雖託宿紅衢紫陌花林酒陣之間心如土木未嘗動念雖萬兩黃金未嘗為之折腰因循漂泊至水南朝元宮以為朗然子鍊丹之地故愛而不捨自後門衆大集尚駸駸然乞食不已曾

過招提就禪師乞殘食禪師大怒以拳毆之擊折兩齒先生和血咽入腹中傍人欲為之爭先生笑而稽首殊不動心由是名滿京洛平昔好書龜蛇二字習而不已妙將入神有飛騰變化之狀奉道信士多收藏之以為珍寶後府中火災延燒數百家但蓄二字者皆免一旦戒門人曰重陽師真與我有蓬萊之約今將往矣言訖五色祥雲繚繞庭際青鸞白鶴翱翔往來於是首東面南枕肱而蛻骨焉時四月初一日也所有應世歌詠近數百首目之曰水雲深明鈇承沂流之道大行於世

贊曰長真老仙寧海豪士與三誓以同學拜重陽而受盟一夕之清談未終數年之痼疾頓愈抵千金而不顧挂百衲以甘貧

鍊氣調神幾載長遊於洛下歸根復命半生不返於山東鎮百怪以潛形龜蛇兩字握二儀而在手龍虎九還正逢丹桂之芬芳又值金蓮之爛熳鉛汞注水雲之集煙霞為蓬閣之遊若非骨肉同飛形神共妙者其孰能與於此乎張神童詩云風火曾心鐵石腸正豪強裏便回光洛陽春暖神遊處猶有龜蛇鎮北方

長生劉真人

東萊長生真人卯金右族炎漢遺英矯矯雲翻堂堂嶽精湖海不足盡其含容星斗不足以極其高明乃祖乃父世居武官好陰德樂推恩恤寒餒惠孤悻捨良田八十餘頃與龍興巨利以為常住種福之根當前宋太平興國間朝廷嘉厥孝義旌表門閭蠲免租征先照連郡天不負仁自紅霞丹景中選擇其仙材之精明者降瑞於掖城既挺世也謹事孀母特以孝聞誓不婚官憎華醜榮清靜自守希夷若皆顧世間物無足以撼其胸中之誠屢辭故山欲訪異人而慈親眈眈然未之

許也大定己丑之春忽於鄰居壁間人所不能及處見揮灑二頌而墨跡尚新不留姓名其末句云武官養性真仙地須有長生不死人先生歎賞其筆力遒勁疑神物之所化成而未能決其信情是歲九月霜寒露清重陽祖師杖履西行携丘譚馬三仙之英度海島歷山城先生聞之竭蹶而趨香火而迎祖師顧而笑曰壁間墨痕汝知之乎三子者亦相視而冰西方悟其頌乃神通變現之所以相驚也於是鏤肝薦誠刻骨效盟負几杖執巾瓶左右惟命死生自程祖師愛其殷勤美其專精顧其神乘之不群乃歎曰松之月竹之雪故不受於黃塵贈之詩曰釣罷歸來又見鼈已知有分列仙曹鳴榔相喚知于意濯出洪波萬丈高仍取壁間語意以長生為之號

處玄為之諱通妙為之字時方弱冠之明年也丘劉譚馬之名充塞乎九野與八紘遊汴梁傷夷門乞食鍊形隱姓埋名朝叩暮請行薰生蒸黍曲而挑幹玄機丁寧而啓迪丹經掃蕩雲滓迷冰祖師既盡付其四象五行乃

遺物離人而退藏于天所謂得知友而赴蓬瀛也四子乃負仙骸報洪恩叩成陽歷華陰寧神於劉轉舊廬之坊四子之志各異先生獨遁跡於洛京鍊性於塵埃混合之中番素於市鄜雜沓之藪管絃不足以滑其和花柳不足以挽其精其心灰為之益寒形木為之不振春人饋則食不饋則殊無愠容人問則對之以手不問則終日純純定力圓滿天先發明乃遷居於雲溪之澗門人為之穿洞室於巖垠忽遇古井寒泉泠泠泉駭其異先生笑曰不遠數尺更有二井乃我宿生修鍊之所經營也鑿之果然迄今洞官號為三泉遠丙申歲復還武官往拜母氏相見甚歡卜太墓之陰麓建靈虛之祖堂手植檜栢蒼翠成行居無何鄉里誣告先生殺人輒不辭而就縛坐狴犴者近將十旬純陽祖師聽玉漏駕蒼麟下碧霄入幽因就松尾付管城教之習文後殺人者自首先生得以免縲綬之刑比其出也翰墨絕妙有龍蛇飛舉之形大定戊申主醮于昌陽絲雲覆壇白鶴舞庭是歲也秋早

如焚復披禱雨之誠既登厥壇四望無雲曰來朝己午之交當有甘澍如傾言出有徵如影響之應形聲自後東州懸壇獨師主盟必有祥風泠泠拂襟帶而上騰其感應也如神迄今諸郡石刻猶存至承安之三年也章宗聞其道價鏗錫乃遣使者徵之以鶴板滿輪接於紫宸待如上賓賜以琳宇名曰修真官寮士庶絡繹相仍戶外之履無時不盈明年三月乞還故山天子不敢臣額賜靈虛寵光祖庭迨癸亥歲二月中春初六吉辰鳴鼓集眾告之以闕苑之行曲眠左肱倚然返真祥光氤氳瑞氣紛綸所有遺文仙樂太虛盤陽同塵安閑修真仍注道德演陰符述黃庭奧法理窟條達聖真足以為萬世之規繩

贊曰長生老仙主張化權吞虛無吐自然乘紫雲而下遊碧海之邊遇甲子天元之會契重陽多劫之緣撞百關通九泉驅四獸耕三田坐洛陽之市井鑿雲溪之洞天融白雪以成粉熟玄霜而不煙聲名黃鼓於鳳州光華照耀於金蓮構靈虛之紺宇

拜朝廷之紫宣還斷東萊之宿債然後骨
肉都融遊宴八鶯也張神童詩曰蓬萊深
處了天真一點靈明迥出塵高卧東風歸
去後靈虛閑鎖碧堂春

長春丘真人

真人諱處機字通密號曰長春子家世棲霞
最為名族敏而強記博而高才眉宇開曠舉
措詳雅善相者言足下有龜文必為帝王師
年未弱冠酷慕玄風非長生久視之說不道
也非騷驚跨鳳之語不詠也大定丁亥春聞
重陽在崑崙山煙霞洞謁蹻而往樞衣請教
重陽見而愛之與語終夕玄機契合故贈之
詩云細密金鱗戲碧流能尋香餌會吞鉤被
予緩緩收綸線拽入蓬萊永自由先生拜而
愛之旦夕親侍左右甘洒掃之役迺遷從師
東別海山南遊汗梁歲月既久志氣彌堅師
資之道過於膠漆玄關妙捷多所啓明一旦
祖師赴蓬臺之約遺物離人而入於天矣大
葬禮畢西遊鳳翔乞食於磻溪太公垂釣之
所戰睡魔除雜念前後七載脇不占席一簑

一笠雖寒暑不變也人呼為蓑衣先生妙合
虛無理通玄奧復歸劉蔣以為先師舊隱之
地戀戀不能捨去大定戊申春二月世宗聞
其名遣使召赴闕所賜甚厚待詔於天長觀
久之奉勅主行萬春醮事建四月朔以中旨
住持全真堂仍御書篆額五月初一日召見

於長松島秋七月十日再召見剖析天人之
理演明道德之宗甚愜上意應制獻瑤臺第
一層曰寶運龍飛當四海祥仙降跡時萬機
多暇三靈協贊不動槍旗玉樓金殿廣開月
臺風榭臨池靜無為泛絲舟鳴棹涼簟杆基
深惟前王創業太平難遇道難期會逢天祐
遐荒入貢玄教開迷坐朝垂聽暇伴赤松談
論希夷勝驅馳向人間一度天外空歸上覽
之大悅薄暮言歸翌日遣中使賜桃一盤先
生不食茶果已十有餘年以其聖恩過厚強
餐一枚至中秋得旨還山仍賜錢十萬表而
辭之連已四歲二月鶴駕出燕臺抵開陝間
忽聞哀詔下先生歎曰嗚呼生死之大貴為
萬乘富有四海不能終於百年若之何哉遂

浩然有西歸之志度函谷歷終南隨方闡化
玄風為之或然明昌之改元也東還海上歸
隱棲霞修建壇宇比及戊辰歲道價鴻起名
滿四方天子嘉之勅賜為太虛觀仍加賜玄
都寶藏六千餘卷以為常住居無何兵革滿

河朔間宋使洎金使各持詔來宣同日北方
大蒙古亦使便宜劉仲樞來宣人皆以為師
當南行蓋南方奉道之意甚厚而北方則殺
戮大過况復言語不通而我師不言但選門
人之可與共行者得一十八人同宣差劉仲
樞西行過蒞至德興府寓於龍陽觀以詩寄
燕京諸友云十年兵火萬民愁千萬中無一
二留去歲幸逢慈詔下今春須索冒寒遊不
辭嶺北三千里仍念山東二百州窮急喘誅
殘喘在早教身命得消憂過白骨向陰風積
雪寒入骨髓險阻艱難備嘗之矣乃作長篇
古調以記行色云金山東畔陰山西千巖萬
壑攢深溪溪邊亂石當道卧古今不許通輪
蹄前年軍興二太子修道架橋徹溪水今年
吾道欲西行車馬喧聞復經此銀山鐵壁千

萬重爭頭鏡角誇清雄日出下觀滄海近月
 明上與天河通泰天松如筆管直森森動有
 百餘尺萬株相倚鬱蒼蒼一鳥不鳴空寂寂
 羊腸孟門壓太行比斯大略猶尋常雙車上
 下苦教擷百騎前後多驚惶天池海在山頭
 上百里鏡空含萬象懸車束馬西下山四十
 八橋低萬丈河南海北山無窮千變萬化規
 模同未若茲山太奇絕磊落峭拔如神功我
 來時嘗八九月半山已上皆為雪山前草木
 暖如春山後衣余冷如鐵西行數萬里凡所
 見山形水勢奇人怪物不與中國同者甚多
 是時成吉思皇帝方守算端國未下宣差劉
 仲樞乃以師見帝勞之曰他國徵聘皆不應
 命遠逾萬里而來此間朕甚嘉之對曰山野
 奉詔而起者天也非人力之所為也上賜之
 食食畢問曰真人遠來有何長生之藥以資
 朕手師曰但有衛生之道而無長生之藥上
 愛其誠實由是每日召見即勸之少殺戮減
 嗜慾前後數千言耶律晉卿方為侍郎錄其
 言以為玄風愛會錄皇帝皆信而用之問鎮

海曰真人當以何為號鎮海奏曰有人事之
 曰父師者有曰真人者有曰神仙者上曰從
 今已往可以神仙號之至癸未春首奉旨以
 甲騎數千送還燕京勅改天長觀為長春宮
 更修白雲觀合而為一以北宮萬歲山太液
 池并賜之改為萬安宮詔天下出家善人皆
 隸焉仍賜之以金虎符便宜行事前後所受
 詔勅甚多師既住持長春宮而教化大行全
 真之道翕然而興主持醮壇祈風禱雨刻期
 不差如影響焉千門萬戶莫不歸向師方道
 遠自得凡午齋之餘必以數騎往遊萬安宮
 既山溪之富盛樂禽魚之蕃息日凡一往將
 暮則歸歲在丁亥六月二十有三日因疾不
 出人報已午間雷雨大作太液池之南岸崩
 裂水入東湖聲聞數十里鼉鼉魚鱉盡去池
 遂枯竭北口山壁自推師聞之笑曰山摧池
 枯吾將與之俱乎七月初四日師謂門人曰
 昔丹陽嘗授記於予云吾沒之後教門大興
 四方往往化為道鄉公正當其時也住持大
 官觀皆勅賜名額仍有使者佩符乘傳此時

乃功成名遂歸休之時也丹陽之言一一皆
 驗吾歸無遺恨矣既示疾九日午後一刻昇
 寶玄堂留頌云生死朝昏事一般幻泡出沒
 水長開微光現處跳烏兔玄量開時納海山
 揮斤八紘如咫尺吹塵萬有似濺關任辭落
 筆成塵垢寄在時人妾聽聞遂歸葆光堂相
 相然蝶化矣是時有青鸞白鶴徘徊上下瑞
 氣瀾漫仙音繚繞乘空而去官寮士庶靡不
 瞻拜殯於白雲觀之處順堂為三年之後啓
 棺更衣手足如綿顏采如生所有歌詩雜說
 書簡論議直言語錄曰磻溪集鳴道集西遊
 記近數十首見行於世
 雲峯贊曰乾坤作堂屋日月為燈燭樓霞
 一老仙俯仰於中宿對眾口談天語句噴
 冰玉開啓玄微機潛享高堂綠燻煉神何
 清神光炫二目起立身何輕清風生健足
 大道興不興到灰人心服金丹成未成白
 雲滿巖谷
 贊曰僕嘗遊燕堂見三人相與論丘仙翁
 之功德其一人曰我以為磻水溪邊七年

苦志寶玄堂上數載流光鍊金丹太藥之
基種火棗交梨之樹出神入夢幹地回天
此功德之最大者也其一人曰非也我以
為修宮立觀傳教度人開全真七朵之蓮
種無影三花之樹受簪冠者半天下談道

德者逆世間無人不飲於重玄有物盡需
於至化此功德之最大者也其一人曰乃
二公之所說見其小不見其大得其麤不
得其精取太山之半拳拾鄧林之一葉也
我則以為當蒙古之銳兵南來也飲馬則
黃河欲竭鳴鏑而華嶽將崩玉石俱焚賢
愚並戮尸山積而依稀犯斗血海漲而髣
髴彌天赫威若雷無赦如虎章我長春丘
仙翁應詔而起一見而龍顏稍霽再奏而
天意漸回詔順命者不誅許降城而免死
宥驅丁而得贖放虜口以從良十一四百州半
獲安生數萬里率皆受賜所謂展臂拒推
峯之嶽橫身遮瀆岸之河救生靈於鼎鑊
之中奪性命於刀鋸之下不啻乎百千萬
億將逾於秭穰京垓如此陰功上通天意

固可以碧霄往返白日飛昇又何用於九
轉丹砂七還玉液者也張神童詩云磻溪
鍊就九還砂道德文章第一家三島有期
應去也至今鸞鶴喚樓霞

金蓮正宗記卷之四

正一天師清微弟子 洪百堅 製作
道教學術資訊網站

金蓮正宗記卷之五

致八

林間羽客搏揲道人編

玉陽王真人

先生諱處一號曰玉陽子王其姓也家居寧
海之東年幼喪其父事母至孝體貌魁梧為
兒童時不雜嬉戲好誦雲霞方外之語七歲
遇東華教主授以長生久視之訣年一十有
四歲也偶步山間見一老翁坐於盤石之上
呼之使來摩其頂而謂之曰汝他日必揚名
於帝闕當與玄門作大宗師言畢乃起曳杖
而行先生從而不捨啓曰公何人也答曰我
乃玄庭宮主也回首不知所在自茲之後語
言放曠不與世合行止顛狂適大定春二月
中因暇日遊宴至范明叔之遇仙亭乃見終
南山重陽祖師在焉祖師觀其骨格非凡乃
曰汝肯從吾否乎廿八先生曰僕所願也敢不唯
命遂侍左右與丘劉譚馬定為莫逆之交修
真秘訣靡不窮討祖師呼而告之曰文登縣
鐵查山雲光洞是汝登真之所可以往居幸
無怠懈汝之名號他日吾與汝送去先生於